

AKASHVANI AIZAWL

REGIONAL NEWS BULLETIN

HEADLINES (MORNING)

- 1. Larsap General (Rtd) Vijay Kumar Singh chuan Bairabi-Sairang railway line leh Kaladan Multi-Modal Transit Transport Project-te chuan danglamna nasa tak a thlen dawn thu a sawi.
- 2. Chief Minister Pu Lalduhoma chuan thalaiten eizawnna kawng thar dap a, sumdawnna hlawk zawk an neih theih na'n Mizoram Bana Kaih Venture Capital Fund siam a ni a ti.
- 3. Lammuala Independence Day lawmna huna nimina Chief Minister-in lawmman chi hrang hrang a sem zingah mi pali in State Award to Teachers, 2026 an dawng.
- 4. Prime Minister Narendra Modi chuan nuclear tha chakna hmangin kawlphehta gigawatt 100 India chuan neih a hmabak mek, a ti.

<><><>

GOVERNOR

Mizoram Larsap General (Rtd) Vijay Kumar Singh chuan Bairabi-Sairang railway line leh Kaladan Multi-Modal Transit Transport Project-te chuan danglamna nasa tak a thlen dawn thu a sawi.

Larsap hian nimin khan Lok Bhavan Circular Lawn-ah "Governor's At Home" a buatsaih a, he hunah huan Larsap chuan Mizorama hmasawnna ruhrel lian tak tak zing ami Bairabi-Sairang railway line hawn tak, Zorinpui thlenga kal tir tum leh Kaladan Multi-Modal Transit Transport Project-te chuan danglamna nasa tak a thlen dawn thu a sawi a. Hmasawnna lo thleng tur atana lo inpuahchah lawk a tul thu sawiin, ram mawina leh hnam ziarang hausa takte, rimawi, ei leh in bakah mikhual chungah thatnate chu khualzin tam zawk hip luh nana pawimawh em em a ni a ti.

(Byte: Governor)

Governor chuan he tih rual hian hmunhma leh hmanraw tha, faina ngaih pawimawh leh khual hip thei tur zawnga hmalakte chu thil tul tak a ni tih sawiin, mikhual lo dawnsawn leh hruai dan training bakah, an thlenna tur homestay leh khawtual siam ngei thil tha tak tak chhawpchhuah kawngah tanlak a tul thu a sawi bawk.

Larsap chuan hmasawnnain Mizoram danglam bikna, hnam ziarang hausa tak, khawtlang inlungualna, chhehvela thil awm leh khawtlang thil hlu tak takte a tih chhiat mai loh nana kan humhalh tlat a tul thu a sawi bawk a ni.

(<><><>

I-DAY

Chief Minister Pu Lalduhoma chuan thalaiten eizawnna kawng thar dap a, sumdawnna hlawk zawk an neih theih na'n Mizoram Bana Kaih Venture Capital Fund siam a nih thu a sawi.

Nimina Lammuala Independence Day lawmna hunah Pu Lalduhoma chuan he thu hi sawiin, Mizoram Bana Kaih Venture Capital Fund chuan cheng vaibelchhe 20 corpus fund a keng tel a. Thalai, mahni kea din tum ten bul an tan theihna tura puitu tur, State Sawrkarin venture capital a siam vawi khatna leh hmasa ber a ni, a ti a. Mizoram Grand Challenge siam a ni a, Industrial and Investment Policy, 2025 siam thar a ni a; investor lian tak takte koh luh na'n Investment Promotion Agency an din bawk niin a sawi. Hengte bakah PM DeVINE leh NESIDS kaltlanga sorkar hmalaknate hian Mizoram mipuite tan eizawnna a siam belh ang a, Mizoram economy than zelna turah nasa takin kawngro a su dawn a ni, a ti bawk.

(Byte: Chief Minister)

Chief Minister chuan sawiin Mizoram Universal Health Care Scheme (MUHCS) atan Asian Development Bank te nen cheng vaibelchhe 1,000 zet loan agreement an ziah fel tawh thu leh, za zela sawmkua hi sawrkar laipuiin a tumsak dawn thu a sawi a. Mizorama kalpui theih chi Centrally Sponsored Scheme (CSS) zawng zawng chu SNA SPARSH ah an dahlut vek tawh tih a sawi a. Hun tiam chhunga tha taka kalpui a nih avangin sawrkar laipui chuan hmalak that lawmman (incentive) cheng vaibelchhe 350 a rawn pe tih a sawi a ni.



I-DAY: AWARDS

Lammuala Independence Day lawmna huna nimina Chief Minister-in lawmman chi hrang hrang a sem zingah mi pali in State Award to Teachers, 2026 an dawng. PM Shri Govt. Kawrthah, PS-I Headmaster Lalrinmawia Pachuau; Cheural Sianglairun M/S headmaster H. Zohmingthanga; Govt. GM H/S, Champhai headmaster Lalhmunsiami Fanai leh Baptist HSS, Lunglei principal C. Lalhmingmuana ten an dawng a. Anni bakah hian police hna thawk tha mi 20 hnenah chawimawina hlan an ni bawk.



MPCC

Mizoram Pradesh Congress Committee chuan Mizo te chu ILP-in a humhalh avangin state danga hnam thenkhat angin hnuaichhiahna an tawk ve lo niin an sawi.

Nimin khan MPCC hian Aijal Press Club-ah Chanchinbu mite an kawm a, All India Adivasi Congress Committee member Pu Sanghrima Chongthu chuan, tun hnai kum 10 chhungin BJP leh a thurualpuite chuan hnam mawl Adivasi (Tribal Forest Dweller) te chu an nek chep nasa hle niin a sawi a. Mizo te erawh an vannei a, ILP hmanga humhalh an nih avangin state dang ami te tawn ang an tawng ve lo niin a sawi.

Pu Sanghrima Chongthu chuan Mizote chu Forest Right Act 2006 dan awm hma pawhin an nihlawh em em tih a sawi a, he danin a relsakte ang main kan ramah hian an zalen nia sawiin, Mizoram tha tak hi humhalh nachang pawh an hre lo emawni tih tur a ni, a ti a. Mizoram chu neitu rilru tak tak pu a, hmangaihna nen thangthar lo awm zel turte tan a tha thei ang bera enkawl tur an ni tih hre thar leh turin mipui a sawm a ni.



I DAY FOOTBALL

Independence Day puala Mizoram Football Association-in a buatsaih MFA Independence Day Football Tournament-ah Aizawl FC an champion.

Nizan khan Mualpuia RG Stadium-ah final hi khelh niin, Aizawl FC hian an khingpui Kanan FC chu goal khat faiin an hneh a, goal awmchhun hi Laltlanzova khung a ni.

Tournament khelh zawh takah hian Saikhamakawn FC chuan Fairplay lawmman an dawng a, goal li khungtu Aizawl FC player Zomuansanga chu top scorer niin, best player atan Aizawl FC player tho Rohmingthanga chu thlan a ni bawk.

<><><>

NEW STUDIO

Prasar Bharati Addl. Director General (Technical) Pu Ved Prakash-a’n nimin khan Doordarshan Kendra Aizawl Studio thar a hawng.

DDK Complex, Durtlanga hun hmanah hian Prasar Bharati Addl. Director General (Technical) Pu Ved Prakash hian Independence Day vawi 80-na pualin Hnam puanzar a pawt parh a, DDK Complex tualzawlah National Anthem sak rual a ni.

Hemi hnu hian ADG chuan DDK Aizawla Studio B chu hawngin Studio a hawn zawh hian Cultural program hman chhunzawm nghal a ni a. DDK Aizawl Head of Office Om Prakash Tripathy chuan kalkawmte lawmna thuchah a sawi bakah, AE (Co) Bukya Radyanayak hnena atangin technical report ngaihthlak a ni a, Addl. Director General (P&D) Abishek Agarwal hnen atangin Doordarshan Kendra Aizawl chanchin tlangpui ngaihthlak a ni bawk.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

PRIME MINISTER :

Prime Minister Narendra Modi chuan nuclear tha chakna hmangin kawlphehta gigawatt 100 India chuan neih a hmabak mek, a ti.

He thu hi nimin India independence vawi 80-na lawmna pui ber New Delhi-a a thusawina-ah sawiin, Prime Minister hian nuclear tha chakna hmanga kawlphehta gigawatt 100 tharchhuah chu kum 2047-a ‘India’ ram changkang a siamna kawng zinga thiltum pawimawh ber pawl a ni a ti a, Prime Minister chuan zirlai harsa zawkte tan sorkar laipui pawhin online cocachig bakah kum tin thalai vaibelchhe khat-te tan AI skill training chu a thlawn liau liau a buatsaih a tum thu a sawi bawk.

<><><>